

董方立文乙集

移華館駢體文第三卷目錄

陽湖董祐誠

西嶽華山神廟賦 并序

望千里賦 并序

對燭賦

桂華賦

傷逝賦 并序

感春梅賦 并序

與方彥聞書

答方彥聞書

與楊紹起書

送洪右甫序

送陝甘總督章佳公入覲詩序

方彥聞鶴夢歸來圖序

齊北瀛先生紀遇四圖總序

雲溪樂府序

華蓀館詞序

文乙集卷上

董方立
遺書八

陽湖董祐誠

西嶽華山神廟賦

并序

華山者招拒之下都顯紀之時囿以霽陽局陰孳察萬
物雲飛雨濺汜布上下靈示焄蒿權輿生民故有熊會
其羣神姚嬀覲其西后夏經嬰以珪璧周禮祀以兵舞
其廟制烏奕萌祇有漢世歷千祀饗格弗隳蓋以憲章
元穆奠軌星宿終始四九金德之統余憑軾西征謁禮
其下見夫層構崩劣幽宮旭卉目眙神詭震澹永日爰
託篇翰爲之賦云

伊大化之埏埴息一無於二氣圓精運而上鄴方祇摶

文乙集卷上

董方立遺書八

而下墜寓神皋於弇州配少陰以執契鬱華嶽之靈圉
秩西宅而司厲于時白藏受謝神該効律萬物芸黃其
華黼黻其實乃崇明禮報本反始自犧百瑜或縣或履
書有望秩之典禮有生殖之祀盛致美之敬恭疏爽基
以卜時爾其畛域則參井之交兩戒是經旗旂散其華
鉞質寓其靈封狼敦圉而睽陽朱鳥頡頏而殄獬東有
峭函重險黃巷之隘詰屈偪仄穹隆堂防出坎入窞一
陰一陽西則廣遠高陸邈迥洞達八期九達方軌轆轤
馭喬輕鶩驛勞輻輳南則崇山巖嶙結霓隱天重甌累
高曲岬宛蟪率岬屬英譎樓詭連掣爾上截句胡蓋援
巨躡盤踞矍踢紛戲夫容菡萏萑薹猗猗日月繫其房

的枋北斗而爲茄北則洪河湯湯太白所都泮渭澗洛
異源同輪碾錯礪礪疏薄墳墟温汾潦瀆規轉萬趨擎
匡蹈堆濇湏澎淖孫紆厥躍雷旬火沸灑灑冲融轟駭
濱漣蹠蹠寸卻奔溜踵至濛濛黓黓天滿無外爾乃畜
曲面覩構極甄三遐陟博宜萬象一含故觀其郭郭之
制則亭亭苕苕隱隱鞞鞞峯峯岫岫嶕嶕嶢嶢嶢嶢峒峒
比瓣華洪紛菑蚤肉而不齟齬牙抱而成輪增齧層高
靡迤澶沆蠡旋蝸縣倨角作銑霽然風折宛尔雲轉上
則角樓崔嵬坵坵積葍二四八六環己共戍疊累重益
舛互駢填上下刻陷東西棍延陽烏運于清宸見晦羽
之翾翾平眺俯矚無地有天如閩風之于北辰鼓鐘之

衛帝館也乃憲紫宮太室匡衛十二以爲祕宮承龍心
於明堂帶壁壘於上墉高闕有閎闕以祝融五門並啓
蹇產鞠崇標闕中企流火凝冬闕素閣干皋稽鬯青陽
于谷風門臺諺以岑塢躡重陽而踞峙承駁楸于上榮
颺焱悠以紅翠五鳳秋其振翰遡霄霓以容裔櫺星金
城複閣重闕飾以大朱堊以石脂鬱乎若翬飛鳥跂霍
繹而紛泊又若鱗茸齒次埽堦而參差于是陰陽壹壹
羲璘回旋龍訛豹渝旗揭旒翩樽樽晉晉連拳而爲正
殿挈貳抗梁以灌濩欖槍奔雷而爛熳元龜礎柱而鼎
鬮神鹿摺節而觥鬻枿枿紛糾交閱積杳莘莘總總周
塾磔磔若意密而體疏終支附而膚合馭遺風以下追

蹤岑累而相聶陰螭衙衙膠流負阿明月承吻宵窻倒
華榛粲絳稅反蒂萼葩閒以蒼藻雜以莢葭離實春井
翕翠秋波重屋四注綿以槐栝浮柱承欒紉纏縷綺
垂繭纒四極炕罍眼窻鞞鞞屈已交午絡皮簷與方連
錯鈎互于窠藪爰有牝度牡旣蓋戴傑池繡燭黼粲六
章流離登天光于朏明曳冕延而孕奇建木四照秀華
金支琅玕璘煇翡翠威蕤珠被齊光煩黃紛披死軒孔
翥倏呻回馳闔爾雨散隣成朝蛻瑰珍詭狀惟意所移
放悲須搖從望而迷排飛闔以仰瞰心愕怡而怫惛神
泛滇于采廡怵猓猓而萃隧復奄留于棼櫟魂稠敷以
掣曳攀疏櫺以跛竚窻窻杳其無際降旅庭以常羊又

塊圯以靡旣離朱瞭而眴昧都盧僂而駢躓爾乃顯靈
正位方示敘倫崇金天之穆皇象泰壹之威神龍袞邃
延昭明三辰弁瑤光於綦會組約約於衿褥綺旆騷殺
而裔雨葩瑤琴麗而莽雲威震震以燁燁赫歔飲其若
存五精帥摧八神拱侍勾芒龍棄禹彊蛇珥尊收典鉞
紅光所司禹兒祛衣以斐赭方皇犇野而睢睨師師遂
遂二八連臂豐露鼓車以夾坐馮夷從風而爲衛于後
迺有溫房涼館閒宮邃圍鑣金綴碱疏蘭架宇蒼琅設
門囂以珠舞玉女嬌悅而遞代金妃要眇而參伍大帝
之靈于焉典處遂乃曾臺獬豸以旁延石磴嶂隗以上
屬嶷釐迫側岬彙頽珽獷爪飴牙窠鉞覆鍍重足累蹠

匍匐扶服跟刖首剝跪愕無巖貼灑馮翠瓠誦賊悸沮
汗滲漉喘絕復歎蟻却蠟仄拾級而登者蓋以百計迺
貫倒景絕大鴻超野馬浮蠓蠓舒息輟節揆乎萬壽之
宮神岳蔕蔕爛炤真靈穢會隴函天緯杳冥日夜出雲
光景燁熒千變百殊晷刻歧形或雲叢牢落匹溢駱驛
嶽奔象逸半散選邊太行恆山浮混碣石或糾屈櫛密
虬結鶴立左招右索摧唯翁集專專獸獸似有於邑或
份郁虬費景炎扈煌赫戲叛換羽旄殷芒還照濛汜啓
明銑光或神昧鬼杳羶噎魃暖造象太極赤萌表裏胚
胎殷虺泊若下海或猗儺婉媼縹緲約脩媵乍首乍背明
昧微踰忽如有思曲障迴裾或狝鬻噴勃頰艷恂惘土

囊崩車涓鬱颺颺賁星貫芒魚路浪騰然後沖漠澗深
收華闕曜歸神元始藏象大幬希夷瀕洞姬母萬竅其
左右則飛閣流丹中皮仙經碧簡赤文守以六丁五千
三洞洞元上清兆朕太元延康赤明神策百二華蓋黃
庭虛虛非馬充倉無名金虎白龍參同元英先乾蘊氣
後坤反形真誥秘符燠平層城迺有馬明修羊叔卿子
先葛越壺公洞明自然西河歌而擘垣仲甫飛而蹠蹠
韓衆駕鹿以子蜺茅濛馭龍而蜿僮元方鬢髮而遨嬉
毛女織纒而騰騫實列仙之攸宇總無上於諸天于是
降墜道步中唐泛眺四周而巡回皇乃有沈泉澗澗清
泠紆餘亘望神之虹梁象雲漢之荷衢翔陽浴其東界

金樞浪於西隅觸賢成沼過窳爲渠晶沙雪離鏡萍星
鋪頰首頰尾謹聲噏喁外有神荼鬱壘之殿朱索菱葦
魃頭四目甲作凌遽黃父閃倏聖母枳耕父糧靈保儻
歌赫拉蠱殃若乃豐碑穹崇樂石之府與夫御香祭器
省牲易服之所耽耽翼翼鸛饗祚主式禮必芬鼂萃振
古揚摧庶彙明共羣生茫端渾竟不可殫名木則松栌
椈檜貞尤守宮鼠梓虎目白椴赤桐森葦漿糝輪困離
奇翳檟喬檟扶疏痍魁斂慄杼杓擢茈虎刺天離陰
闕地沍陽作鱗句羽之而聶炕藪中扇風調竿笙簧軼
茂鄧林齊蔚搏桑結根太史稟元攝提厯部場華閔統
翹支邁奇齡於九頭何周秦與漢隨爰有陰火兔伏遊

氣成絲琥珀威喜神茵華芝燭耀乎其下鳥則舞鶴二
八獨鵠雙鷓烏鷄白鷓旦鷓晨鷓颯杳湛淡奄薄續翻
暮有鷓鷓鷓離狂鷓肥鷓鬼車十翼奇鷓九頭魅伏颺
行怪歌哀謳聳聳乎其上下竹則綠籊篋管周以楯闌扞
根索節春筍冬筠密上稽露疎中闕雲櫛椽邠曲阡眠
檀樂單體纖肌冰爽霞鮮笏目空實同稱異源草則藟
萑汜蒹離靡菴茂帛帛布布異艸凌糝攢榮飢葉習翠
菲青確扈般爚幡纒精瑩采純緣陂爛錦被町噓芬玃
鬱秘稊薰馨藥則黃精赤苓勤母文無細辛大苦薯蕷
芑胡千年之苓九節之蒲蠲疴辟癘泄暑調寒徇君俞
附舌爽未單果則三色之李五沃之桃紫灰燕支緋碧

細縹來禽日結文杏沙棠猴查燕梅擘甘鱗芳若榴別
房而攄丹嘉柿迸蜜而飛霜百物蠶育形性恍芒蓋天
地爲廣大也惟茲山秩其成網緼元黃將受厥明負反
景于西海傾六幕而函精歇緒荒末開顯隆期值九六
而遵晦應五百而光飛是以商秩漢祠視三而弁七唐
宗感生而震夙明帝夢遊而悚慄秦璧返而新墟終胡
縊而莽漆肸明爽於嘉兆邈元會而若一於赫

大清啓命維新粵若

聖祖下武配京當龍飛之六七握神矩而時巡致殷薦
以精嚴儼上赫而下明謨睿慮而摛藻紀隆祥于天慶
登格皇穹榮鏡萬靈故師牧敷其光奕葉闡其業嘉瑞

五乙身卷一
阜殷而廟兒有赫也遂作頌曰巖巖崇居格喁峴今經
宛窳窳靜閣邃兮緼豫周張神晻藹兮蒙籠混成回元
氣兮咲盼豐融麗萬世兮

望千里賦

并序

蓋聞商飈戒塗崖竅激響飛霜迎節鐘虛自鳴夫以金
石之質應時知怨秋士之感何能已焉于時蕙草日暮
露華夜團王孫未歸春徑謝綠帝子一去洞庭生波百
芳真腴萬感橫集楊朱路歧臨之以悲嗣宗途窮啜焉
以泣烏飛三匝零雨急而頽巢槎刻九秋飄風迴而折
檝申池焚竹籥箝俱灰陳留爨薪椅桐先盡隋岸田父
之珠光十乘而色駭赤堇大冶之鍛躍三百而不祥太

行崔巍手非可移曜靈隱沒杵非可倚是以方思擊筑
已銷燕市之聲未聞微吟先隕雍門之淚也加以銑芒
無家佳其奚集青萍春莠猶戀隰楊丹鳥宵行常依原
草三秋霜露寒侵遊子之衣九日茱萸遠滯高堂之夢
辰移斗柄何日南迴渭貫天門幾回左轉潛然念遠乃
爲賦云

升高墟以四望極千里兮心悲雲垂陰而作幕風急響
而鳴哀遊子百感一顧再泣具羅衣兮不溫沾錦柱兮
時濕見鴻雁之南征憶關河之紆直蘭叢日晚木葉星
離霧黯黯而如晦天盤盤而下低荒煙散兮原蕪盡白
露零兮野草滋道尺折兮三千里腸九迴兮十二時加

以桃梗長浮萍華未遇險鋌無隅旅焚失樹秦雲則夢
逐頻飛隴水則冰嘶未渡又有掾天畢有皖牽牛陽
烏西駐靈瀆東流煙沉水浦泥碧山郵傷情柳陽之賦
橫涕荊州之樓况乃天涯歲闌倦客衣單靚青楸之霜
落識黃榆之塞寒神欲逝兮苦遠淚欲咽兮苦酸于是
背迴路闔重屏玉鈎斜而未捲金缸凝而不輝松蕭蕭
其振籟梧冉冉其辭枝倚危欄以歎息悟年光之參差
獨立兮恍惚寤求兮反側望明河兮無梁繫匏瓜兮莫
食月向曉而斂暉雞將鳴而整翼夜耿耿以將盡兮悵
盤桓其何極

對燭賦

若英乍下娥采方弦雕盤斜挂金藕雙連景蛛屏而迴
照拂鶴榜而浮煙空心已盡密淚潛然裂鮪衣於鮫渚
瀉鉛露於銅仙腸寸纏而分折恨十轉而九牽大道珠
樓琪闌綺院白騎奔星黃塵集霰春沈鸚鵡之盃香研
鴛鴦之禰吉語連錢同心半面雀賦釵挑蛾飛眉顫訝
光淺於萸氈怨更賒於銀箭西陵大去南浦長征拭羅
襟兮霑臆掩玉笋兮凝情山青燈影冰昏泣聲哀絃獨
送羽帳虛明慄慄羈心飄飄愁侶燕館警書梁園傲庶
螢弔涼河蠓吹墮雨木瑟吟鴻梁泥落鼠籜葉下兮神
動晨禽膠兮聲楚狼城沒月雁積驚風天涯雪漬陌土
花濃紈裁流素字織迴虹卜雙花於連鈇悼孤影於蘭

文乙集卷上

八國大立共書

櫳撫錦柱兮不忍御啓玉匣兮適爲容又乃銅雀棲魂
甘泉歸魄珊瑚珮秋遲空帷夜碧惜帝女於姑蓄望夫君
於窮石三生入夢之辰下九傷心之夕錯朱流粉倒鳳
眠龍青玉五枝之麗文芝四照之工芒開鳩鵲焰落芙蓉
豹膏冬結蜃炬春融皆陰火銷塵銅華翠土絳蠟霞
飛元灰燐聚悲生子夜之詞涕屑江南之賦歌曰鬱金
苑裏茵茵池夜光百樹珊瑚枝匝匝攤薰枕通隴倦舞
衣繁華自古共一爐脈脈空明復爲誰

桂華賦

伊中庭之珍植託清根於漢溇濯沔澗之埃塌十嶠冢
之簪岑枝紛糾而偃蹇葉偏反以陽陰亦懷土之未安

辟吾去夫故林于時金收典寒諸比振厲蒔花闕丹隰
草卷翠獨窅窳於都房飾離離之華蘂朱實倚其黝儻
鞋莖紛其蔓逮交跗午出棍氏別榮苞秀上霞寒蕤下
星振陳芳而越馥欸涼緒而抒英惟百卉之具腓懷怫
悵其疇訴豈激詭以炫芳將道盅之未喻奉君子之拂
植遡秋風而效心慮奇服之易渝淩凜秋而獨任常翹
首於太陰何夢夢之不寤怨素闕之避迢惜免華之虛
顛露浙瀝而鶴警霜菲微而燕歸無六翮以矯奮矧晨
風之多頽感紉佩之莫屬望幽人而徘徊重日結旗兮
張楫芳洲淺兮不可涉王孫兮未歸隔秋山兮木葉

傷逝賦

井序

潘子念諉好學深思綜貫六藝與余居同里昕夕遊讌
究疇類之樂不幸短命英華零隧余時客遊西安涼夜
杳晦追存惋亡俯仰增愴爰著斯賦以寫痲心其辭曰
惟曜靈之馳謝兮辰儵忽其不留逝者杳其無知兮存
者日以離憂收恢台之假夏兮適皓秋之厲淫暨涼夜
而不寐兮怒感舊其孰任溯已往之欸實兮哀汗軫而
弗禁誦斯人之風義兮雖九死其未沫襲薰潔以旗衷
兮孟懿純而躋志爰六藝以爲裳兮縉儒聲與墨佩昌
辭份其約約兮誠難虧於魁昧哀生民之渺輯兮意橫
厲而自印獨華子而申契兮謂芟茄其提芳生相見而
無幾兮死願頽其方長初聆君之撒瑟兮心煩寃而猶

豫冀貞疾而終吉兮聊醒懷而自念路邊迤以靡際兮
故鄉渺其阻深願入牖而執手兮道拳拳之素心鳳皇
叱而鸞靡兮鶉鳩謹而梟鷲榮薊藜于中春兮耜莞芎
而煬桂余固知蕙華之鬱渥兮允楸馨之誨思亦侍孀
於陰期兮何時命之促至彼王蒸之考榦兮尙延景于
朝陽胡禹中之始贖兮已修夜之不暘長太息以伏枕
兮情嬋媛以慄慄魂一夕而三遷兮起視天之蒙蒙月
瀏精以晃朗兮露晻藹而潛零明河監於西隅兮室壁
蠡其熒熒雲樛流而上下兮放悲君之華儀神廷廷以
馮越兮宛疇昔之容暉忽反顧以注睇兮涼颼焱其振
厲寤十是而九非兮心搏搏其若墜掩苫闔而陳篋兮

啟平生之素書忍睨視而未半兮淚究究而如濡蟬悌
鬱其咽嚙兮蟋蟀紛其互吟羈巢斃而鳴噉分涼除冷
而自風悲人生之憂患兮脾飄南而淹北引緊綫於百
慮兮又哀緣之充臆日慘悴而未已兮矧幽結于黃昏
隱蛩蛩以考且兮永忉怛其何垠亂日情曼兮懽愴耳
啾兮儻恍盱望兮靡端默求兮凶象索素琴兮寡聽持
樽酒兮疇酣獨吸吸兮於邑傷千里兮江南

感春梅賦

井序

青浦城北慧日寺有梅千株二月始華紅白彌望遊憩
於斯者皆憺然忘歸焉余惟其抱貞英揚勁幹而當春
效妍凡卉共悅豈素心之渝抑亦盛年之感乎遂援翰

而賦之曰

覽招提之嘉卉有凌寒之名蕤背元英而布藥對麗月
而舒姿榦必擇土華必應時支不下靡葉不旁滋恥搵
芳於庶彙獨先覺於陰期結繁葩之紛緼芬郁烈其彌
厲謂蘇世而自立豈臨年而改志緬孤根之夙植逢晏
歲之相侵懼冰霰之先泐抱貞素以逾今感谷風之在
條遡載陽之遐心幸芳澤之未虧凜幽居之難任奉旖
旒之初服接君子之攀依匪幼清之速化終紆鬱其誰
知冀芳馨之莫闕何榮悴之異宜及春華之方盛長延
佇而曾思

與方彥聞書

彥聞足下離燭暮地征帆晨遄索思淒風積感逝水渡
江北行土俗迥異黃菽雜飯菰蘆結牀花襲馬蹏草臥
沙磧訪八公之故館過清流之巖關塵驚鳥飛石訝人
立足躒十步時升火光樹鈔百尺才見青氣自茲以西
地塌天曠淮潁千里田廬萬重水星鏡浮荇葉帶抱麥
氣朝霧沆霞亦黃楸花夜開土岸皆紫更復從陸計逾
沃辰澗都羅交山盡拱合松柏翳景言經北邙之墟藜
蒿蔽天乃曰洛陽之苑折軸峭坂僨車宜陽函關風雨
道涉黃巷時則顛月西轉斜漢左陰壁裏無階穴遠有
腹土濕腥鬱風囊哀號羸特雜稠輶軹摩擊子夜影黑
惟聞人聲晴光晝紅乍聽霆烈越三百里言臻青門意

欲奏通天賦，宜春求書茂。陵讀碣驪坂，而玉盃夜閉幽。
燐星飛銅仙，秋寒鉛淚露。咽鯨膏未燼，而劫灰已平矣。
關中肘太華，股九峻帶涇。渭東灞滻龍潭，蟲厓風渡雲。
棧皆足讐慄，心志淒感。性情昔王粲，羈人嗣宗狂士登。
樓隕涕窮巷，回車僕本恨人疇。能自己蓋山高川悠，饑
促渴役不自知。休文之園將滅蘭，成之賦易悲也。足下
侍歡庭闈，澄慮經史。俯仰委蛇，誠足念樂蒙聞桐魚。刻
蜀樂石響泗，曜靈虧天井。景缺地故，鶴舄異聲而同鳴。
餘饒殊類而合處，百志流相得也。晤言尚遙，練素勿曠。
傾首東望山河阻，深書不盡言。幸勉崇德。

答方彥聞書

彥聞足下損書遠辱慰誨勤懇出入懷袖風誦再四文
采份郁意悵周密夫咸池在縣知北里之鼃咬狐豸當
御增敞緼之悽愴曜靈秀東燭火息耀金樞殷午嘒星
韜明故得書以來閱久不報恐終昧交繫同心之言違
小雅求友之義敢瀆左右以布往懷僕聞絳螭登天階
浮雲而掞耀神鯤搏涵鼓洪濤而振鬣者勢有所憑也
若乃黃鐘沈音玉瑟淺柱寒蟬號秋窮鳥戒旦誰爲爲
之孰令聽之僕生二十有一年矣幼不自量輒負大志
而時不我與倥偬相迫瞻屋靡止躋地何歸今且竄跡
廡下低首馬坂蕭風生于牖庭紅塵拂其襟袞貽竊笑
於臧獲偶謀食於傭奴塊然獨坐惟形影之互答出門

同人復言笑之乖性譬之植蘭九陵移蘭五澤遵鴻漸
柯蔚豹遊市拘拘造物俯仰夢醉夫以飄飄羈旅之士
趨起宇宙之內進退靡自竚之地陶愠渺由中之悒焚
思櫻魂俗文填腕偃繩墨以詭時尚乖咸韶以奏新樂
削趾怡甃翦髻念髡首頤目頓神索言餒而欲振聲廟
廊高立殿陛挾策帷幄之間係纓萬里之外紀名景鐘
鐫姓篆素固知難矣若夫抽金匱之軼簡繹名山之秘
文睢睢盱盱上窮結繩洵洵隆隆下究倚杵馳驟六籍
出入百氏成一家之言爲奕世之則區區之誠有慕于
此所以終日而不倦一夜而十起者也至乃營情弋獵
詭過科第牝友牡羣頡引聆望附羶釜中逐臭海上陸

步偶得謂登龍門之陂援繫寸失若墜焦原之谷驅魂
役夢朝舞莫擬奄隨大化同腐野草夫人生百年罕過
其歷亦安能偕視息於蚊蟻和嚶鳴于脰注哉足下高
朗天情沉潛地德鈎索三古旁鶩羣藝入有侍奉之樂
出有倫類之歡進退委蛇俯仰可慰惟益滋令名善蓄
光彩書詞狂瞽幸勿示人惠子知我故敢相告

與楊紹起書

紹起足下執別經歲遐眷千里恆星仰矚井絡限於天
津飄風南馳浮雲遠於吳會光景莫接輾側重勞惟侍
奉清娛素顏豐勝幸甚幸甚秦中暖氣早來淑年告朔
冰巖泮日苔點成錢陰岸陶春花光汜雪終隆夾澗瀨

淡長亭綺注方清垂絲漸稀凡在羈人能無重感矧以
塵勞迫慮風土乖宜百事振心萬憂拂性車迴歧路何
處尋家人上河梁不堪掩袂堂前擊筑已銷傭客之魂
臺上引弦自竇驚禽之羽寧止悲生紅女望極湛江昔
建安才子橫涕荆樓魏國詞人悽神漢殿亦有華陽奔
命東海羈賓眞定常山奄風波而失所河陽漳水望雲
雨而長乖要皆丁元二之災年植三州之離會方今四
宇繩繩八區皞皞候亭蒼犬仁化麟騶城市蒼煙藹成
卿裔而乃宛童靡寄萋楚無家豆剖星離晨遷夕播西
瞻幽館東望江關温清廢遠載移涼燠雁臣塞上幾聞
蓼風燕女幕中重經社雨自非武擔立石鍾離廩君夜

寐夙興疇能獨念且繁霜應節尙感豐山之鐘朔野颺
颺猶動靈臺之羽眷茲物候恆移哀樂每當嘉令應芳
綺筵近暮燭地孤影酒浣征衣便已仰屋興嘆掩觴下
泣政以東門饗樂祇令愁辛北淮種橘徒增酸苦燕禽
望闕非有意於苾梁胡馬蕭風復何情於閑棧聯平原
之第方且末期歸洛陽之輿尙稽待歲靜言思之寤慨
而已足下揚州連錫赤野明珠逸藻霞蒸雄聲雷動白
羽在括鈿穿合浦之犀黃鍾灑光響叶金門之竹凡夫
青龍調厯元武兵鈐北平侯之九章陰通成之五射以
及義文韻畫籀篆王分太甲在昔之篇岐鼓瑯臺之刻
靡不拂景高蹤闢冢獨照豈直厭次待詔徒陳文史扶

風孝廉無慚爾雅僕家世傳經弱年嗜學編蒲輯簡有
慕長君翰勲墨績懼譏曹植而比年坎壈瑣尾關河成
都閉戶乏深湛之思汝南攬轡虛澄清之志祇以平子
怨曲文通恨篇自古離憂多傳詞賦聊因暇日屬意斯
文顰眉自憐敝帚獨享亦如魚勞噉沫樹肅號秋蜀靈
激楚終慚阿閣之階素女悲絲非合雲和之韻乃蒙獎
借遠檄蕪文欲使蠱蟻埤於泰山集牛涔於北海但鄭
卿編帶尙未先施衛風桃李末由相報賚嚶鳴於幽谷
亦求友聲瞻茹蘆於在阪豈忘我卽踴躍矚頡載仁瓊
瑤計達此書當已春暮惟善節眠食勤懋崇名書不盡

言略陳情緒

送洪石甫序

龍心夕流客棹西指洪子右甫之官東湖離筵旣張執友麴至入坐之燭跋未逾寸贈行之策積已計尺右甫直臣之子也堂有諫笏楹承遺書忠孝載其世家文獻徵於州郡而乃一舉鄉貢七踏金闈鬢雖元而漸淪足未刑而已爾給札三館寫書十年乃得注名銓曹出宰下邑斯行也莫不惜其棲棘慰彼折翳而蒙有贈言獨陳積感夫百里雷震上侔乎乾象九邱星布下協夫坤輿固知四人之業託於下體之居六合之命懸於縣令之宅西京以郎官出宰東雒則三公賜書雖地絕承明而職同清要近代以來斯風漸替要其積習更僕難窮

監司牧守犄角而遙臨米鹽凌雜瑣屑而必達執版白
事日已旰而未通投牒請行封經月而不下毫毛則羽
檄星馳屠火迺局牀臥治一齊衆楚置喙無從十羊九
牧求芻何得其不可爲者一也楚令尹之舊政惟潤脂
膏王宛陵之去官偏多家具惟此空倉雀噪武庫魚飛
已承瓜代之期便致苞荒之吝制使以調停爲籌畫同
官以徇曲作挪揄必使李爲桃僵樛因檀斫竹木之焚
旣及池魚之悔何從其不可爲者又一也臺府供億責
及厠牖郵亭望伺勞等廝養首已俛而入地足將捷而
上天以至刺促入幕之賓佐依優奉塵之輿臺山中爰
兔乃號丈人楚國綬狐亦稱使者莫不指令長爲債帥

文乙集卷上

禡葉鶴作盜糧鷹旣飽而遂颺虎不饑而猶嚇其不可
爲者又一也期會之令密逮錐刀繭絲所供嚴在圭粟
雕觚本以繩下史掾藉以犯科指東轍爲西塗續鳧脛
爲雁足扼項撫背望都盧之善緣曳輿掣牛斥郵良以
賤御遂使五官爲土木之骸三尺甚燕秦之詐其不可
爲者又一也加以緇衣旣化貪泉久甘已慕釜中之羶
願從海上之臭詣曹頭搶據案心盲晨希顏色似葉公
之遇龍暮長恣睢等牛哀之化獸治平自譽咎沫土之
民頑催科課能詡中牟之政異蜚鴻滿野詎解哀磬燕
雀集衡偏知五六乃使扶杖之耆撫心永瘳長揖之士
高拱恥伍吏治若此誰爲爲之然而風雨如晦鷄鳴不

已菘施盈室渚蘭自芳蕭艾在陸卷旆獨勁若右甫之
貞規夙植僮律兼通不揚灑以汨流不踈蹠以疎世而
東湖復以西陵門戶夏口上游巴渝荆艷俗少陽橋遜
寬抗嚴尙餘遺愛他日銀手獨斷金心自孚顧建康之
清醇劉懷肅之簡惠峴山地近重刊思德之碑桐鄉政
成更續名臣之傳是亦黔元之甚幸而吾黨之嘉榮也
聊因縱酒遂放卮言江秋正高幸勉崇德

送陝甘總督章佳公入覲詩序

大清受命百七十載重光繼昭邛化允洽煦嘔燾肯泥
濩流沙以西徠卜盧區陽方揚于邸賁白旌紕蜀江厯
于府黃芽所職注鳴歧踵內面厥角矧爽乎日月所入

粵稽太平平初之元草生河泛之紀主不虛王臣不虛
貴朱宣五正黃序九工子賚傳弼姬報雒鈴翼贊贊
麟舄乎千載方今

元首聖明股肱宣力經護比節羣龍裹袞之時也陝甘
總督章佳公乃武乃文以勤以庸優賢揚歷世其忠貞
統制河海遂鎮關西越今三年庶績伊喜雲布雨施陽
曜陰藏經緯禮俗恤隱民事螻螻之穴光被六幽風雲
之塗鑿空萬里上自雲漢之首萌天稷系威弧進并鉞
踰天關帶終南地絡之陰鷄首實沈以負西海揚靈繹
厲飛和灑甘滲漉昭蘇者七十有二候也下自昆侖之
虛障伊吾徼唱鹿鐫蔥嶺扛計式及三危飲露之民柳

谷反景被于長流魚頡鳥盼搏頰距躡謹聲推化者三十有六部也昔周之興也召公以王命行江漢其詩曰文武受命召公維翰又曰肇敏戎功用錫爾祉蓋上有嘉樂憲德之君下有恭肅將明之臣以宏天保孔固之業而共嚮燕譽攸同之福矧

天子之德隆軌京周而公出貞庶方入憲百揆瑞玉輯于肆覲和鈴美其載見允宜彰吉甫清風之誦效韓侯出祖之祝者哉賦詩者爲某某凡若干人而陽湖董祐誠序之云爾

方彥聞鶴夢歸來圖序

鶴夢歸來圖者吾友方君彥聞悼亡之所作也夫釋服

文乙集卷上

見客子荆于焉神傷望廬思人安仁自然殞涕蟬鳴漢
殿盡作離聲鳥近蜀城都含血淚殘月欲下不燭合歡
之房秋蕪尚青乃迷歸魂之館入室靡覩出門何之謂
天蓋高離離而西暗謂地蓋厚搏搏而下墜帝子大去
回風拂之以悲少君歸來中夜持之以泣傷心之事意
在斯乎原夫盤龍鏡底新系三生么鳳窻前時憐半相
並肩而宿烏訝顧影而潛鱗驚嫌幙晝靜恨東風之來
遲闌干夜闌祝明月之常滿百尺綠雨十尋游絲衫非
春而亦紅襟沾墨而都暈絮落無迹助其裁吟花香有
心對此含笑方謂北山白磬竟可蠲勞南海青鸚永成
並命豈知握椒之性以芳厲而逾辛卷蔬之草以心拔

而竟折雙珠未剖日南之母先枯珥玉長寒荆山之璞
已碎風泠泠而入幕雲陰陰而壓簷焦桐半死尚含變
徵之聲青草一叢卽是埋香之塚猶望南陽鑿井水竟
延齡西域通胡丹誠返魄素女之瓊旌再起安妃之玉
樹重開而乃桴管旋移金爐不變冰巖蠶冷何黍律之
能蘇渤解鸞歸豈萍花之久合入隧相見乃九仞而無
泉升屋長號竟三呼而不復又况千里歸輿半椽棲壁
巖關霜重古剎燈寒楊花秋白未封齊女之墳燐火宵
紅終有冤禽之哭是則明河清淺非七夕而誰填剩粉
飄零閱三年而自化天平不諒怨矣何如然而秦樓簫
吹竹尚餘音葢山弦歌泉知赴節倘賈生之談不爽阮

君之論無徵高唐雨涸雲氣常存洛浦珠傷神光乍合
斯青春受謝元夜思歸今夕何夕珮環悅其來遲是邪
非邪形容想其宛在而政恐黃葉東西難尋玉盃碧雲
下上幾見銀臺星娥左轉非魯戈可旋少女斜飈豈羽
車能渡人間三五夜皓魄終虛天上十二時黃昏有幾
鄰雞一鳴幽夢何處曉漏五下空幃肅然涕欲咽而已
沾腸未迴而早斷則斯圖之作又足生悲者也蓋邯鄲
聽曲淚下十行艷瀆聞猿神迷三峽矧黃絹幼婦應表
碣于貞姬白日巫陽待招魂于郢客希逸作誅故多孖
怨之詞蘭成傷往亦有代人之作余故原其終始序而
貽之云爾

齊北瀛先生紀遇四圖總序

夫華平之木應晞陽而被芬歸昌之禽望綬采而颺羽
况復六麟服路之代五鳳調元之年天鏡澄文地槃翁
載通正和其嘉會介類推其允錫優賢之風歷試闔闕
之瑞允升是以周宗熙業山甫著將明之材魯篇熾宜
庶士多燕喜之譽嘉慶辛酉北瀛先生以進士入翰林
於時黃離繼明滄島重潤

陽兆之禮已洽

寶滕之書待纂先生珥彤史宥紬匱仙室千七百水通
波沈綠之池二十八宿窺影琉璃之篋中經校簿紺烟
襲衣石渠坐論華月升席蓮花徹照卽對熙連之城金

積旁開更入閩風之苑

國家東撫開梧西綏燕靡南諧孫樸北變禹疆雷鑿雲
空絃周續布昭蘇蠖螿之穴頡頏麟介之渚願彼中山
適當前戍斯地也魚門匹溢鯨路機槍鼉鼉浮嶼則陽
轡逸翔落滌奔閭則賁芒沸賈三重壑柵近絡摺天七
九仰規斜懸赤道先生英蕩光塗皇華被照祖楫擊汰
遠架鼉鼉之梁澹劍插腰自得蛟龍之氣烏冠螺飾肅
拜天人樹衣熊甲怖瞻漢節歡斯舊姓乘木獸而申驅
波羅遂洞闢雕禽而拚待蒙蒙焉喁喁焉懌喻于德意
舊慄于威稜者矣若乃長卿使蜀嚴助歸吳發邛笮之
符馳甌越之傳而成都父老僅有王孫會稽故社惟傳

友壻先生則具慶習祥重蔭塹楸華黍伯潔恆餒佐馨
麟章絢其舞衣霄露酌其康爵星旄燭夜大明孫子之
垣海螭移風化成孝養之國畫繡之樂今古茂焉逮於
尹表三河蒞守百邑飭東都之禮復司隸之章社鸞儀
樹時見交枝歸雁銜蘆多迎露軾爾乃鷄渾上揆鳥帑
鷄火之維鰲紀下清碧洛黃嵩之館鳳飛地闕龍度天
門銀猿界壁俯鏡仙河石象高龕下臨震旦元夷秉鑿
發玉簡于姒封榮光負甲肅靈壇于姬璧皋稽擁旗屏
翳承蓋湛甘醴于葦杖滲酸雨于輕輪是又陝左之芡
留其蔽芾鮑氏之驄數其工步者也榮問懋昭祥止蔚
備爰志圖畫都爲四卷曰玉局校書曰球陽持節曰蘭

陔洗腆曰龍門秋禱盤礪之事既彰風詠之才滋盛異
日南宮肆開麟閣躋列趙州萬戶繡平原之絲荒憬九
譯謁承宮之貌呂溫授簡待著凌烟之銘王褒宣德先
譜中和之頌

雲溪樂府序

雲溪樂府者吾邑趙味辛先生敘次鄉之遺聞軼事而
各綴以詩者也傳曰一國之事繫一人之本謂之風房
樂隆始基之業國史表哀思之困樹惇人倫經緯禮俗
泯泯乎不可尙已變風告終樂府斯作吳嚴梁皇物比
于剛杼馮翊蒲反節汁于律間三唐以來厥體滋廣新
安石濠之製胡旋太行之篇杜白濫其原楊李廓其委

莫不寓載筆于絲竹發長言于袞鉞謳詠之情既深主
文之義彌永達于事變而懷其舊俗者也吾鄉延陵故
封禮讓成化瑰人琦士疊軌駢蹠而方志缺略文獻散
逸大雅之材不作籍氏之譏以彰頌聲寂寥潛德淪絕
志學之彥慄焉閔之夫近士大夫厥有四蔽飛華尊俎
之上逐妍投贈之末假六義爲衡續飾四聲爲牯雉公
宴行餞之作述德介眉之詞削鄂竹而未罄燔秦坑而
欲窒結言所契靡問脂販之侶穆如之誦實獻田寶之
門天枉性靈抗走塵俗祇以速其愆尤鮮有合于懲勸
其蔽一也九層之臺簣土索其積千里之行跬步致其
用迺有鯁儒耳食末學膚受同甫田之忽近等杞園之

圖遠聞二遺一識十忘五祖禰未別探三古之歸藏闕
闕昧音通八紘之結舌其蔽二也首邱之正有生大期
登岳之謠達士猶感故鳥逃羽而投林麟勞喙而縱壑
今則一命始列半通乍縮已鄰所生于互鄉比故土于
焦石爰居止魯饗鐘鼓而不歸胡馬適秦謂芻茭之可
悅曾無孔父十里之思永絕浮屠三宿之戀望墟墓而
微悲忘毛裏之安在其蔽三也生榮死悴蚩氓所爲大
哀逝川奔景志士于馮殞涕而天下熙熙目盱鼻息望
銀黃而色飛陳鐘鼎而神壯高閎閱于穹蓋炎勢灼于
朝旭罕不脰鳴仄行蟲驕螳怒噬龍比爲詭激斥尙曾
爲近名及其北首告辭西州大去輿殛在塗同貉子之

委野孟弋去室少婦人之行哭啓手啓足餘八額之珠
孝子順孫無可銘之石其蔽四也又况老成之人先落
子弟之瞻靡從敖辟之俗已中于馮生性情之原無當
于風雅維桑與梓必恭敬止將欲緝其頽綱必先昭其
舊式此先生樂府所由作歟祐誠家世食德早歲羈泊
幸中郎典型之在感元禮通家之知異日甄次所聞周
度軼事補耆舊之傳成士女之志遠慙昔人明述之旨
庶存禮經必式之意云爾

華蓀館詞序

夫橫塘查下圖水蒞于珮闌襄陽大隄結楓根于桂浦
寶釵桃葉影隔春江鏡檻芙蓉痕凝曉露辛夷名樹慧

吉呼禽憶舞袖于春陽寫曼聲于子夜高唐雲氣永護
荆臺洛浦神光長留魏枕固已情均頑艷感極風懷抽
婉轉于紅蕉韻纏綿于白絮若乃邯鄲綺市大道珠樓
錦窠錢窻珧窻粉牖秦簾風曉煙暖昔邪蓮井雲流蟾
鈎屈成龍綃護檻時飄迷迭之香龜甲開屏淡糝靡蕪
之色芬編翡翠椽架珊瑚有美一人凝情遺世賀蘭山
下慣種燕支涼州曲中曾聆箏拍金星稀鬢謝吳宮之
獺丹黃月開鬟學莫家之蟬鬢蟲鈿反插寶粟連心鴉
髻橫盤雲梳九日桂紅半捻披河間之玉鈎蓮印雙挑
騁馭娑之翠結羅敷及笄便事春遊盧女解愁偏工度
曲請于繡襦常圍羊侃之筵坎侯冶聲自誤周郎之顧

豪縹題芍藥將毋南飛孔雀遇十里而徘徊東下青禽
寄三生之永諦乎余惟夫秦箏趙瑟不廢新聲燕歌代
謳無妨合雅成都公子亦寓賦于東鄰楚國王孫復貽
愁于北渚哀錦帶之集有待昭明序玉臺之篇終慚孝
穆云爾

移華館駢體文第四卷目錄

陽湖董祐誠

五十三家歷術序

長安縣志敘傳

遊牛頭山記

石鼓文跋

書春覺軒詩集後

書楊紹起落葉賦後

書陳丹厓畫冊後

武功縣后稷廟碑

興平縣馬嵬堡唐貴妃楊氏墓碑

嚴恭人墓志銘

林太孺人誄

祭王學愚文

文乙集卷下

董方立
遺書八

陽湖董祐誠

五十三家歷術序

自昔上皇之世孟幼未分草木互易迺定神策轉調歷
大庭軒轅逮於殷周三五之法詩書所稱略可指說靡
得而詳焉周室陵遲憲章版蕩亡告朔之禮廢疇人之
職重遭秦楚五紀崩隕漢氏初定日不暇給至於武皇
始正三微改歲首於是方士輻湊曲藝雲集追星距以
定度酌月法以積閏而晦朔分至躔離弦望之術差以
周備自是以後代自爲憲家自爲學下暨唐宋經數十
易皆攷驗當代斟酌舊傳有元承之作授時歷差平立

以調進退求弧矢以正黃赤棄積年之法立諸應之準
測祿之術綦以密矣明代大統因乎授時暨於末年門
戶別出紛爭辨訟遂屬國亡

大清龍興晷緯昭應西徼殊俗厥角獻技內設五官天
文之科外測四海經緯之變日月效期寒暑通軌蓋自
太初以來千七百四十餘年始集成於我

朝然猶

申命臺官朝夕格署蓋天地之數若此其微也夫術士
之學厥有三蔽墨守師承毀所不見昧因造之理違澤
火之義舉一遺三得五忘十其蔽一也榮今陋古拔本
塞源斥射姓之司星唾鄧平之運算是猶指三江而狹

嶠流觀九河而淺積石其蔽二也中夏失官學流荒裔
鳩扈補象徵之制音紐祖形聲之遺而議者必嚴內外
之防屏梵回之厯其蔽三也祐誠旅食餘閒願言纂緝
乃取史志所載自三統以下可撰述者五十三家凡歲
實朔實之分定氣定朔之差皆敬授之大原先朝之遺
憲爲比其名義課其盈虛補其散佚信其亡闕都爲十
卷鈎核考互有移歲時以存先士之學竝有道之正焉
爾書成爰系之序並列其目於左

漢志

三統術

鄧平等造

續漢志

四分術 編訃等造

晉志

漢乾象術 劉洪造

魏黃初術 韓翊造

景初術 楊偉造又見宋志

秦始術 劉智造

永和通術 王朔之造

後秦甲子元術 姜岌造

宋志

元嘉術 何承天造

大明術 祖冲之造又見遠志

魏志

涼元始術

趙敗造其用數志不著錄據開元占經所引補

正光術

張龍祥等造

興和術

李業興造

隋志

梁大同術

北齊天保術

宋景業造

甲寅元術

董峻等造

劉孝孫術

張孟賓術

周天和術

甄鸞造

大象術

馬顯等造

開皇術

張寶造

大業術

張胄元造

皇極術

劉焯造

唐志

戊寅元術

傅仁均造

麟德術

李淳風造

神龍術

南宮說造其用數志不著錄據開元占經補

開元大衍術

僧一行造

九執術

瞿曇悉達譯據開元占經補

寶應五紀術

郭獻之等造

建中正元術 徐承嗣等造

長慶宣明術 徐昂造

景福崇元術 邊剛造

五代司天考

欽天術 王朴造

宋志

應天術 王處訥等造

乾元術 吳昭素造

儀天術 史序等造

崇天術 宋行古等造

明天術 周琮等造

觀天術

皇居卿造

紀元術

姚舜輔造

統元術

陳得一造

乾道術

劉孝榮造

淳熙術

劉孝榮造

會元術

劉孝榮造

統天術

楊忠輔造

開禧術

鮑澣之等造

成天術

陳鼎造

金志

重修大明術

趙知微修

元志

授時術

許衡等造

庚午元術

耶律楚材造

明志

大統術

元統造

聖壽萬年術

鄭世子載堉造

回回術

西域默狄納國王馬哈麻造

長安縣志敘傳

古者土訓詔地圖誦訓道方志以原地事觀方俗而形
方氏掌其上下之志四方之傳道將使在上者致物土
別淑慝爾雅於古潤澤於今以惇勸民行而咸和庶政

是以國家立之著之憲典長安自康熙以來百五十年
志乘不備政事興革之紀賢人君子孝子弟貞婦之
行無所攷斯土吏民將何觀焉桐城張君聰賢來尹是
邦顧惟闕遺勿敢暇逸咨於耆長僉惟敬同粵以嘉慶
十有六年八月集議重修迺爲討論今古商榷名利規
昔賢明述之旨納詩人周爰之善鈎核整比區分絡引
正其糾繆補其散亡雜而不越歸于法度爲三十篇圖
四表四志十二傳十都三十六卷其敘曰

惟

帝建國職方受圖繩繩西夏拱辰上區分率準望經緯
莫渝蔚爾綺疊錯然星廬述疆域圖第一

禹貢制圖厥體有六高高下下咸覽川陸平帶虹迴翹
擁雲簇指掌百里永詔來服述山川圖第二

之屏之翰樹德永臧式固爾猷完茲金湯述城郭圖第

三

縣鄙形體均之遂人邇綜遐緝如絲伊綸保受無疆庸
安我毗述鄉鎮圖第四

維天有漢兩戒是經山河之首鉞質寓靈回回上圉寒
暑列帶赤道弧高五十五太推其昏明以紀農事述晷
度表第一

抗規龍門大事作記繫之編年綜覈期備述紀事沿革
表第二

天生蒸民樹之牧司不有君子胡綏我師纍纍章紐申
申佩綬當時則榮百世飄忽孰去而思孰存而渝比職
屬辭以告僕夫述職官表第三

陽升九二羣龍見田濟濟國楨允登秀賢敷文廣華經
德秉哲如肩斯比如茅斯彙述選舉表第四

雍州莫夏河西索商虎視龍興五成帝京考次因造經
畫井疆標厥城市提封四鄉述土地志第一

茫茫禹跡釐下土方天門東流地肺南張袞舉原隰附
之津梁述山川志第二

禹貢則壤厥賦中中宋置屯軍明食藩封徵急令驕鴻
飛載路蠲租予復

王政以裕述田賦志第二

巖巖神臯大帝所宅六宗四兆咎臍丕假族纍施糜昭
明辟池及羣小祀亦崇靈威述祠祀志第四

於樂辟雍世德配京亦越千載寂寥亡聲猗與

聖清孕文毓武伯張鶴鶴光被西土述學校志第五

蔽芾甘棠召公稅焉如此傳舍亦閱歲年孰是延憩繫
人流連述衙署志第六

遷敘貨殖固志地理兼綜民俗以著經紀述風俗志第
七

秦營朝宮漢御列仙仙都福陽亦千百年踽踽茂草沈
沈劫灰我思古人靈沼靈臺述宮室志第八

鷄野龍岡冢舍神明下武再世宅幽永貞白雲在天視
肉迷方焄蒿野土其歸其藏述陵墓志第九

耆闍之宮舍衛之園震旦東陽奉行彌尊周滅象教隨
崇崑邪考厥廢興並及道家述寺觀志第十

十一
中經錄存七志著逸敘次編目署以甲乙述經籍志第

十二
吉金元鏐錫冊斬壽並紀樂石以著長久述金石志第

粟稅絲祖子職亦癉誰與父母生我畜我稷社配食桐
鄉奉嘗民實有心勿曰無良述循吏傳第一

山川出雲時雨滲漉降神炳靈誕生英嶽自古在昔先

民有作發潛顯幽往則斯託述先賢傳第二

昔聞中山報及壺飡養士百年乃不受恩厥聲則烈厥
遭則屯下有千古昭昭昏昏述忠節傳第三

洋洋

聖謨首敦孝弟百七十年醇化烝起追惟先民式鏡閭
史述孝友傳第四

樊仲大俠有遠退風城西子夏厥聲亦隆之子如怒彼
人如充悠悠九原今誰與同述義行傳第五

蒙莊有言無爲名尸飛邈攸利貞名在斯表厥高躅遠
風來茲述逸民傳第六

株糯構樞公輸所材一技亦錄庸庸胡爲述藝術傳第

七

區明風烈揚推柔嘉括音允臧昭我彤華述列女傳第

八

唐志真系宋錄傳燈惟彼二世不沒其稱述釋老傳第

九

多識往行周咨舊聞必繩必準約守博陳匡謬正俗顯
善旌賢慎言闕疑以待後人述敘傳第十

遊牛頭山記

西安城南三十里有牛頭山焉重巖抗屏曲澗交綺綿
亘太乙邇迤斜川誠神皋之靈區秦里之幽境也布政
朱公以春闈暇日汎招賓僚時則萍風始和穀雨已過

天光登朏於扶桑明星韜晷於楊柳曙霞藻野宿露溢
渠轂轉晴雷葢飛晝霧行未禺中已抵山麓土徑蛇蟠
巖磴雁列古刹紺宇矯出天外門接雲窟牖通鵲巢枯
僧孳羅梵鐘度谷玉女香繞燈王月澄魚鱗瓦暗惟見
金黛虬甲松古純成龍蛇怪禽五色禮陀羅之幢迷蝶
兩三塗天人之粉鷲闕盤鬱花光陰陽鹿宮觚稜紅采
上下薜蘿跳露拂末尼之日珠樅檜嘯風汎氍華之貝
葉絮影積雪三千散其寶旒桐華稠星五百飛其佛乳
于是旁躋龍嶺斜開虹疏池壁半青野鏡一碧翠羽匝
樹雌霓飲泉水氣抱岸結爲絳衣日華灼波凌此赭景
陂麥翻浪則浮雲疑舟石路升雲則游騎若鳥寺南數

武輦祠背山訪開元之舊聞揖少陵之遺象廢檻薪橫
長廊櫛侈藤陰上牆苔蘚失翠野蔬蒸午堦墀盡黃離
離落英則蘭若春杳沈沈劫灰則元石宵燼俯仰此地
鴻固故原御宿通其前曲江經其後一朝塵飛萬古烟
曠池臺傾夷歌舞委歇蓋滔滔者左逝之川暉暉者石
馳之日不知灞上金狄已更陸沈長樂鐘成駢躓榛莽
昔人所爲過雍門而歎嗚望平原而心驚也夫鄴下賓
客不忘南皮之遊江東詞人有感山陰之會誠以代謝
殊時今昔同視趨趨斯世已鮮晤言悠悠千載同此面
目車馬一去秋草而已故次而記之預斯遊者某某凡
十一人時嘉慶十有七年三月也

石鼓文跋

右趙收菴先生所藏石鼓文都三百二十六字夫介邱
升中空桑開智權天制會宗盧革故咸萌抵記注鼂萃
竹帛七十二氏寂寥靡徵故寅臺閱其龍書常羊晦其
穗畫覆釜櫝其金簡社首韞其玉牒或有受甬雷鏹元
鏐舞龢姜泉已刀吉化錯范魏雕表神策之瑞郊東告
尸臣之寶端門赤書臨淮通其悒釐豕蒼篆平陽枿其
文而鐘南悠遐岫嶠混茫壇山蝕封吳墓泯表豐碑燼
惜志士懔閔惟歧陽樂石傳歷廿代唐輦鳳翔宋置中
禁金遷北都元頒太學靡不珍擬楚望燿侔晉垂

聖清同書龍轡虎炳虞膠倂張文壁於樂鴻都整觀鶴

雍世守于是尸藏寶薤人諷籀書斯夕圖究厥有三益
自姬委玉馭羸亡金鏡太師夫官元音廢缺卽后孫釋
故申轅訓傳而曾孫四正狸首無存都人首簡狐裘遂
逸轡柔河水浩魚陂麥留等片羽重逾兼金此則車工
馬同水清衢平丙申汁吉日之用剛氏鮮證賓御之酌
醴軌則六義托揚二雅是曰補經其益一也兩漢旣降
八體斯謬皋有自羊之文地從力乙之說卯金附圖白
水飾讖稀禽韓覆增史皇之書柯櫛承詔佚上蔡之製
是知南國祭酒僅守小篆黃門侍郎虛傳玉篇此則懋
兼二水吾並五日烝合狀縮之權殿同格伯之簋直乃
見繹山之刻攀拜徵義雲之印治從尋司通乎會意射

作手弓契乎象形略舉一隅真符三古是曰正名其益
二也齊歌代謳旣乖閒呂南石北庶復歧聲韻讀爲讀
若許鄭之學微正疊正到梵夷之教顯天子聖哲矜異
於江東尚書好惡詭正於河北李登聲類法言切韻並
牽新義多泊舊章此則佳惟互借滿滯旁通白下增巾
獨偏去犬鸞從絲首作取乍聲好詒訂皓有之分求時
考之尤之誤是曰雅音其益三也因茲三益原該五善
師行卅里時乘六馬左旛右驍執禽簡衆夔繅牒籟樂
公寧王可以觀禮三毆勿射六師如章遼隰陰陽辨方
正位載鹵載北一侯統尉可以知政嘉樹表衢霽雨覆
舟灣師邀旂過駿康駕吳人鞞固大祝獻執可以審官

員邈昭明鑿勒式度田宮鑿齒軌轍別象肉秀彤簇弧
矢建威可以辨器鹿鹿雉兔獬蜀麋豕鰻鯉鯨帛鱗鱗
鯢鱣楊柳柞械櫬榕箬華可以博物若是者學士炫其
寶而驚其詞鯁儒艱其文而疑其義夾溟紛之於前子
卿汨之於後皆引薛附蔓利方就員鑿智信臆昵祖祧
禰鳴星微沫鬣奪明干曜靈蟻壤寸埵思涸潤於禪海
不其懵歎先生旣蘊奇名山希志注記授簡下士綴辭
篇末亦將以存先民之傳求修學之是也

書春覺軒詩集後

嘉慶二十年二月舅氏達甫莊先生遺詩十卷校竟鳴
呼謝客旣壯能讀琅邪之書羊生歸來已墮州門之淚

西園之歡不復北首之夢猶酣回風往日將迷九地之
魂載酒焚香詎斂浮生之恨韓王孫之亭下知已無人
秦公子之馬前傷心何極陳書有念流涕無從祐誠年
始驂駒速升堂室山陰割炙便預寶筵沂水風雩常依
辟叫識陽元於陋巷拔孝相於無名蔡中郎之竹冊獨
授高平王寧朔之文章偏歸阿士追惟晏旦宛爾生平
秋蓬縱火先空卷旆之心長淮涸流自賈枯魚之泣西
山冤禽之木塞滄海而未窮建陽高臺之鐘不落葉而
已慟哭簪大澤筮魄江南青萍雨化難忘暫柳之星丹
鳥雙飛長感黃墟之草謂天蓋高夢夢而左暗謂地蓋
厚沈沈而下隊鮑子知我徒慨乎歸人罕皮云亡疇與

夫爲善逝者忽忽逐風雲而不還來者營營寄笑言而無地東門鐘鼓誰明羈羽之情蓋山弦歌永絕焦桐之聽九京不作瑣瑣者孰與歸乎若乃展禽未謚有道誰銘湘東全德無復靈光陳留耆舊俱先朝露生金園石待景伯之重刊鑿柱遺耆有韓康之校錄沾巾勞手祇重悵然

書楊劭起落葉賦後

夫代北之馬望秋先鳴京臺之禽應弦卽下士之悲也詎有異哉况復青萋已零黃鶴時警明月暮至憂心橫來長松號風臥若濤湧怪石當戶乍訝人立落落窮蠹膠膠晨雞北山白晷詎蠲忿情東鄰素楸俱含愁氣卷

施之心不死椅桐之尾半焦六合繩繩踏地而靡歸上
圍蒼蒼呵壁而不應西岸浮梗已爲逐波之萍東門羈
禽曾無避風之館驥服鹽坂不容幕之以衣玉燿崑岡
非可灑之以淚歧路孤適乃意東而轉西空堂誰歡覺
顧形而失影百憤雨集寸腸穀迴然後知燕市所以酣
歌中山所以泣下也羲璘電馳及此少壯候鴈不至眷
言秦關飄風適來吹我吳會遂使亭皋落木非長年而
亦悲雍門微吟聞離聲而增慟心之愴矣抑又甚焉

書陳丹崖畫冊後

夫再襲之室離朱收其眸盈枚之梗匠石輟其巧故以
潢汙爲居者難語瀛嶠之廣以隙積爲照者不知泰山

之陰何則境淺者心瞽神曠者識真也陳君丹崖九州
歷七四瀆涉三清風追其足顛皓魄出其袖底爰能枕
席泉石沈疴丹青景元山水之愛便往跡求愷之緘閉
之厨久卽化去涼燠不染翰素點綴皆知姓名要其趣
歸約有數境若乃山崇隱穹谷巖絕地百尺崑嶺累之
一丸之碁十丈飛瀑懸之徑寸之峽巖欲飛去峰皆削
成磴梯遠矗落日碎而有聲土囊秋陰斜颺回而失色
擲筆天外乍聞雷鳴聳身崑嶺獨見霞起蹊蹊五嶽耕
父爲之喪形布置一石恒星驚其隕晝此一境也灑灑
湍浪廣陵怒波寒冰春青谷煖自戰靈月午赤潮驚尙
號崩滂洞沓于幅端介蚪延蜷于軸際陽轡東拜天吳

之衣盡揚金樞夕冥海童之髮欲豎駿楫鼓雹破駁楫
而齊飛鯨帆揭風入龍窟而復出此又一境也三月春
暮百花晝晴江南鶯啼灞岸柳碧黑潑一斗紅偎四圍
游絲裊其彫管香雨和其綴綠生綃三尺方成扶荔之
宮淺碧十尋卽是棠梨之館藻葉飛布華蕊蔚蘿此又
一境也洛川珠珮高唐髻雲珥瑤碧之裾舉曲瓊之組
精彩微授神光乍回輕袿容與始訝風起羅襪微步時
生水紋曆輔承笑羌欲語而尙含曼睵遺視若將盼而
未轉澧浦人去蘭泉徑斜疑聞花香止見月影此又一
境也然而東都畫就纔易半餐西嶽圖成僅營八口薪
已勞而不熱桐經爨而屢焦風驚震柱誰聞長缺之歌

日暮驅車終有窮途之哭祇嘗焚闐鐵于九關之野裂
齊縑于四達之衢謝俗士之華鑣誓柔毫以白水亦知
逐貧作賦依然解嘲之子雲投筆長嘆非獨傭書之定
遠乎

武功縣后稷廟碑

皇矣上帝品萬物而流形至哉坤元承大生而光化是
以亭蓄毒散太極枋其運樞桐覆露皇初昌其道九變
七化燧人哲五木之用搏獸鑿井有巢啟六龍之治若
乃開物成務上哲所以首出從朔修利後聖所以紹體
石年膺錄求黍菽於歧陽元律乘眞拜丹齡於蘭室疏
鐘豐物文命表其單平播奏庶艱隲凱肇其鮮食咸資

明德援此阻饑故茶陵審象三獻隆於鹿原寒門接靈
五時逮於鴻豕鳥耘燕喋梅梁啟會稽之詞卓游元玉
金策翦東井之祀而况思文立極配彼天而居歆率育
陳常奄下土而纘緒者乎誕惟魄寶發祥上妃卹允華
館席河圖之瑞搏桑揚佶木之光震夙載歆粵惟元子
將以參鈞贊治斟元陳樞大拯黎元昭蘇萬彙若夫青
陽御歷授弓鞬以行謀蒼震抗稜汁靈威而飛響龍盤
降跡感淳耀于房心姜水生民發秘儀於角亢亦猶玉
篚謚隘元邱誕桓撥之王璇極縱華媯北毓文明之后
聖人之出符也戴土食穀珍命應乎地貞枝頤求口身
律侔乎乾策覃訐表載路之聲匍匐徵克岐之異方牙

合軌履甲寅而應生亡斤感祥錫度辰而命字聖人之
昭象也在昔五行汨敘九刈沈菑填星絕維逆行於水
府皞德窮運會終於淵獻膜稷盡于公迄來牟淪于汜
濫黑墳白壤皆成和柳之腥童律虞余莫嗣烈山之統
於是發災拚土弗地興毗浴土冷風成畝間稼豨生荼
秀秩訛易於三時除草附根勸芸芋于九寓緩急調其
燥濕勞息審其棘肥美禾美麥康年敘土穀之和維糜
維苞昊載饗豆登之祀聖人之熙業也暨乎蒼姬受氏
朱繪啟家化梓棫于昌庭兆飛龍于埤野六旬鳴鶩詔
制命于金枝五緯聚房撰來提于赤維然而丹鳥銜穗
行農正之餘慶天駟儀星推太祖之經緯帝車中運日

辰受顓頊之維豐水東注社漆本魏駘之舊舟彝追享
公且頌其來雍穀洛毀官子晉述其始靖聖人之基命
也景烈之駿若彼光運之遠若此固宜億年服教答胙
饗于靈期六幕謳功奠豐融于神緯詎止稷山西峙河
中貽播種之居黑水南流廣都肅歸真之野闕宮有恤
東魯致其高煙天田並詞西京崇其大報我

大清嚴威寶命欽若元釐龍旂載耜禮保介于元辰爵
弁佻繇迓靈星於吉亥翠璋介裸富媪配乎靈壇黃冠
息農先嗇通乎大蜡里禾鄙黍告旨栗于神倉黑秬黃
藜上嘉禾于衢室狼狽鳥澣之鄉素莖飛瑞雞極烏丸
之下綠毳流光乾州武功縣者周室之始基有藜之故

國華夏推其爽塏神明列其冢舍北瞻幽館公劉鞞琤
之原前眺岐山古公築削之地固知終隆太一精靈永
眷其山阿萬歲千秋魂魄樂思其舊宅白雲既遠穀林
拱楚伯之封蒼梧不歸瓦窆戀鳴條之坂舊有崇祠創
于明代春秋報饗兼祀姜嫄亦如靈臺饗帝紀塊隗于
三河大陵啟筮錄龠山于太室薦升廣牡明堂右文母
之尊澤冠黃虵原廟及昭靈之后歲月既遷侈頽斯甚
粵以乾隆某年知縣瓜爾佳君瑪星阿新其飭暨廓彼
堂基至嘉慶十七年君之子三等侍衛喀什噶爾協辦
大臣靈保重經茲土思續前功迺與知縣張樹勳等涓
選休成雉鳩工用密石飛素宮隅渥丹泉門有伉寢廟

斯奕黃雲鍾戶似伊耆之靈扉白盛夾牕等似宗之世
室冕旒發秀披巧利于天儀華蓋垂芝象穉旆于神稼
庶使陽開陰闔萬靈拱木德之精嶽峙河行振古仰天
官之烈乃爲銘曰

壹壺太始沈奧浮清赤白旭并元黃洞冥雲章首期皇
會書靈磨羊迭辟犁炬聯精在昔陶唐洪流滲黷年厯
四七行窮九六魚沫稽天鼇波飛岳怒調億姓咨聞五
服赫矣上聖興自高辛蒼龍表曜辰馬開禎乾行保合
屯雨經綸文謨禹命放協堯勳造區清叨均毗降爰基
樹昌本迪獲三葉突窰掛陰安地保濕嘉種誕苓烝民
乃粒王猷緝熙帝緒綰綽綽烈謝手足功存宜莫時晦遵

養開顧於爍魚燎升舟龜謀兆洛武功之原太白之陰
去祠切漢神圉飛岑鳥非冰澤樹尙平林風歛蜡籥滄
奏春琴巖巖新宮枚枚靈場誅天閱景腌露抽祥玉衡
通正金鏡明光式刊樂石永配無疆

興平縣馬嵬堡唐貴妃楊氏墓碑

夫淑人告逝盛門起重璧之臺佚女時遊洛渙啟明珠
之館蓄華秋露感帝子於姑山梧野白雲降虞妃於澧
浦鮒隅陰硤元蛇衛戴午之宮谷口香陵青鳥護通靈
之冢莫不圖芳瑤冊郁烈椒塗別有武擔石鏡傳輓曲
於龍歸吳市珠襦闕豪曹於鶴舞房陵大去趙瑟秋僵
軹道無歸秦箏暮咽臺傾銅雀哭總帳於三更地近玉

鈎泣香塵於六代景陽人去非復鐘聲雲殿魂棲空餘
畫影固已名呼永恨情絕三生同黃鵠之離憂墮紅羊
之塵劫然未有身彰野草名玷璇闈獨搖樹急誰悲怨
女之心精衛海遙莫亮冤禽之志如有唐貴妃楊氏者
也自昔岷山構夏有蘇殄商浣溪沼采藥之封渝卜霞
蕃椒之族露華少嬪隆漢墜其赤符結綺臨春陳媯爨
其火祚斯則城傾婦哲家索牝晨刻茗玉而餘瑕貽燁
管而增慝南山伐竹未足書愆北溟振波何由洒恥若
乃情兼疑似語誤傳聞燕國使婢翻蒙墮酒之筭杜陵
秋胡竟被采桑之誚如妃軼事有可言焉論者以犬羊
肆虐京邑崩騰三精塞于腥飈九縣沈於鳴鏑繫茲撫

禍實本女戎則是河陽出狩由狄后之無終羌羯禍華
因短青之內亂以爲妃罪夫亦何辭特是三川咸震預
覩被髮之徵九鼎俱沈先見亡秦之兆狄泉鳥出東海
鬼飛人事固乖天心亦亟故東門識嘯無救世龍之災
征北請留終荒拓跋之宇祿山以侯景之亡虜包元海
之禍心假愿謹于洗沐託清狂於蛙蛤黠中愚外蘊毒
藏姦知人則哲蓋云難矣且夫宮闈秘事牀第屏言事
絕臣民地懸霄漢而郢書善附虞說無稽鄰趙峽于鄭
郊比鳳桐于羊羴彈冠度索卽方朔之不良納履長安
謂東陵之善盜又况羯奴宥死白衣領軍專都督于營
州兼范盧之重鎮皆在玉真初入之年金牒未封之日

乎或謂儻極失閑宸仇爽德責嶺南之味貢起浮肺之彫宮竭物曲於土木盡人力於醉飽故使重關無勇閉之夫河上有棄師之謀然而洋川置驛無虧隆準之名邯鄲倚瑟不漸龍據之聖當夫先天授政稷日劬勞開延英以旁求臨勤政以兼聽焚珠玉於三殿罷織錦於兩京然已御門樓而觀燈命驍衛而典樂置宜春於西內教法曲於梨園固知周王饗國自有耄荒之譏虞帝宅師終生倦勤之歎妃無班好辭輦之賢昧樊姬進善之智逮乎變生龍武怨積掖庭甘隕輕軀以綏宗社較之虞臨瓜步猶唱後庭師入晉陽尙聞小獵詎可同年方斯等語或謂河北旣亡宏農失守瓜分豆剖輻裂魚

鱗苟萬乘之親行庶三靈之有寄而婦人僂室竟阻庭
謀夫有備無敗楚臣所爲寒心不教而戰魯聖於焉示
戒唐自開元以後中寓嚮平青徼沈烽華山歿刃期門
非組練之軍宿衛豈干城之士魚飛武庫公徒之甲無
多鳶墮圍城勤王之師未集假竟豆田失律千畝輿尸
血濺御衣矢流王屋七萃之蟲沙咸化六軍之雉兔皆
迷卽成旅中興戈過授首中冀磔蚩尤之膊北荒行相
柳之尸漆莽頭於庫中燃卓臍於市上而洛都卜鼎終
貽戲下之羞瑯琊渡江難雪平陽之恥則妃之銜哀請
命伏塊尼行可謂情繫私家而功存君國者矣或謂冢
君臨政宵小乖心其阻撓監國之謀實搖動東宮之意

未解斯言何由騰口元宗感武惠之謫言信楊洞之讒
說姜后無辜竟廢長秋瑛儲何憊遂殘宸貳庭闈之際
猜忌夙深如果飛語中宮悲啼半夜政恐黃臺再摘青
榜重移龍樓有發蠱之誣鳩里成距戶之慘彼挾雕宰
相伏獵侍郎謂能託白頭而訟寃伏青蒲而涕泣效令
狐之上書爲園綺之調護者未之聞矣如以夷齊無嗣
如意未生故雉經未迫於新城鴻翼得橫於四海獨不
思白沙吹烈頌鳩羽於離明蒼琅應謠禍燕涎於乾索
金駝納賂竟立晉王瑤光肆妬僅餘明帝者彼何人斯
復奚爲哉嗟乎齊臺沈魄蟬化何年蜀道寃魂鶻啼無
處南飛孔雀青田之羽已雕西序金萋紅心之草不死

九原可作不平謂何昔雲書鳳字製吳闕之哀吟桂棟
蕙榜度楚些之怨曲爰書元石永勒貞珉禁十步之樵
蘇護百年之楸隴庶使茂陵玉盃長闕於人間蘭臺彤
珉振芳於奕世

嚴恭人墓志銘

恭人姓嚴氏蘇州人候選州同瀚之女甘肅鞏昌府知
府大興胡君紀謨繼室也治絲著孝脫纓稱賢端操有
蹤禮則無越其幼也母張太宜人特愛之授以書史大
家傳誠德象尊爲女師林下承歡散朗標其惠問惟是
世守清白家非素封爰課組紉以佐菽水黃姑夕渡星
影窺鍼青女秋零霜聲擣素雖十年不出已三族交譽

矣年二十五歸鞏昌君時則慈姑之墓宿草已陳君舅
之喪期月而遘鞏昌君痛祿養未申顯揚不逮息念塵
網景步逸踪爰結廬於大房山而恭人偕焉伯鸞春廡
和登岳之長謠接輿躬耕訝當門之深轍山中人以鞏
昌君賢遣子弟從學者衆乃與恭人分課之百篇之序
親受濟南六官之傳遠宗河北時或蘿衣補屋帶草侵
階披徑誅茅抽詞鬥韻皇甫書牋之作製出閨闈祝牧
偕隱之歌榮逾佩黻蓋將有終焉之志矣旣而鞏昌君
感膺父夢責以佐時乃以舉人大挑一等分發甘肅自
宰邑以至治郡歷任凡五矢志公猷鮮暇內政瑣屑之
事悉委恭人恭人勤以庀家儉以率衆江陵無私樹之

橘湖亭鮮可投之香星言夙駕且警薄裝露冕時行宵
嚴官樺鞏昌君之克能其職實恭人有內助焉秦州牧
虧帑數千金鞏昌君代其任將上揭其家人號跽求緩
恭人惻然盡出衣物代償之馮君焚券例斯而慚魯公
指囷方斯爲薄士君子之所難而恭人爲之非秉性仁
裕動識大體者曷克臻此鞏昌君以疾乞休上官欲挽
留之或以語恭人恭人曰夫子居官廉豈可使貽戀棧
誚且吾見有官之勞未見有官之樂也蒙山之婦禮拒
駕車北郭之妻貧甘拾穗鞏昌君故泐產也思鱸之願
甫遂巢鷺之咎先徵未及戒塗俄驚捐館武林片葉不
謀儋石之儲會稽一錢詎足饗殮之給訪陳留之故吏

園碣誰銘問寢邱之子孫負薪何地遠夫遣孤南葬攜
家北旋而恭人之心力殫瘁矣遺孤二人皆出側室恭
人愛之過於所生顧我復我慈逾穆姜恩斯勤斯鞠同
桓母駒齒未落衣帽必端鳩車以嬉衾被自廣鐘離郭
母之室肅若嚴君河東柳氏之門蔚爲令器故二子皆
溫恭孝弟賢而有文恭人之教也嗚呼北堂之草向日
方榮卷施之條拔心遽萎嘉慶二十有一年九月四日
卒于京寓春秋七十有三從鞏昌君爵

誥封宜人晉封恭人子二定生國子監生衛生順天府
學生孫二俱幼以二十有五年某月某日歸葬于山陰
縣某鄉之原禮也鞏昌君於祐誠爲大父行定生兄弟

又與祐誠齒相若交最稔造元禮之室自敘通家拜公
瑾之堂克聞內則敬題元石用作銘云

漸江有臺蜀都有市世載清德昭我煒史集枯彌豫履
豐克勤曰相君子施教申申愛敬天情言容地德慈儉
爲寶溫恭是式稭穉平一蜚螭詵振峩峩燕翼垂裕後
昆師宗可紀貞珉無泐刻銘其藏永固幽宅

林太孺人誄

維嘉慶十有四年夏六月辛亥陸君繼輅生母林太孺
人卒嗚呼哀哉風樹急韻春陽逝陰浚都泉咽灰瑄霜
侵胡云不榮彤華飛燁胡云不傷寒燿戢暑椒焚逾烈
膏燼猶芬無百歲之樹櫝有千秋之貞珉託鍾萬以誄

德冀華表之歸魂其辭曰

猗與節母坤輿粹鍾既稱女師亦曰禮宗生了不辰弱
質孤露飈急頽巢雷驚破柱英英寶醴采采琅玕璿璣
闕根珠池隱源繫維寡姑相依以養餘喘踰躄心棘中
愴分涓沱汜殷旦參留鄭徵蘭姑遠筮泉邱珩瑀其節
紈黼其儀炎海飛符左右罄宜三十一年備嬪君子維
凶維嘉百禮迭紀北海之座東山之堂鶴蓋飛花蠃星
錯觴秋刈葵足春抽韭心冰漸寒澗煙沈夕陰雲封寢
巖風勁鍛節嗟我所天遽遘閔厄暉暉日月西馳復迴
滔滔江流東注終歸如何九幽曾不相竝如何三復曾
不相應杞辭郊弔黔正衾袞沍澤滂腹元翼鮮葩磨笄

匪貞傳楹斯淑爰謀覆翼爰矜煦育晨禽膠喙母誠振
衣兒就外傳朝暉未晞秋蛩悉宰母勸緯績兒侍宵讀
殘月欲黑新練一束爲兒易澹短筇三尺候兒倚門兒
躬清修温以笑語兒流佻情惕以夏楚兒豈不愛先澤
是劬兒隄怖泣擲杖而吁凌陰律蘇實魄規耀喬貞翠
崧蕤葉四照光光喆嗣刷羽

皇闈日下名遊有燁其輝母更端憂裁簡作誠譽引謗
機才發禍械鐘鳴而考虞默而安翮豐麗繳鱗潛泳淵
思再可圖緘三可復昔人之辭迺金迺玉陶宗遠覽韋
幔傳經著母懿訓冊竹其馨伊何昊天不右聖善璇樞
掩芒靈壺駛箭銜懸總帳非復機聲悲蘭泣露斜日空

庭蟻封四結虬松九年述德抒哀素旒永傳嗚呼哀哉
祭王學愚文

嗚呼九京茫茫磨滅何記馮生熙熙涕泗何地並世弗
覩靈輶俄遷匪今伊戚昔曷流連維君之生家世新安
自歛徙常遂同里閨予之舅氏君之執友恆爲予言君
朴且厚南北飄忽奄言去鄉三年歸來山阿夢傷聞君
制行潛心孝弟追亡撫存以鞠以字溫恭是基仁心爲
質以卹以任及爾姻特一手援干灑江決河人集於蓼
若已受瘥越五十年內行周摯宗親順和爰及朋類祁
祁名流趨厲凌霍舒文振采龍轡鳳泊聲華籍甚殊域
同氣蒨屋闕家有泣如縻亦有素交握手寫謚指胃出

肺日噉河深樽酒餘溫毫毛裂背同心之堂茨棘橫刺
嗚呼哀哉如君文章不及十卷如君官資半通未縮往
日有盡後感無期頑夫懦夫百世可師交君之子拜君
之墓告靈展辭以表遐慕尙饗